

სახელმწიფო შესყიდვის შესახებ ხელშეკრულება N01-17

CPV39100000 - ავეჯი

CPV39112000 - სკამები

CPV39113100 - სავარძლები

ქ. თბილისი

24 იანვარი 2024 წელი

ერთი მხრივ სსიპ განათლების მართვის საინფორმაციო სისტემა (ს/კ 205300048) (შემდგომში „შემსყიდველი“), წარმოდგენილი მისი უფროსის მოვალეობის შემსრულებლის დავით ტატიშვილის სახით და მეორე მხრივ შპს ბელუქსი (ს/კ 205185459) (შემდგომში „მიმწოდებელი“), წარმოდგენილი მისი დირექტორის თეიმურაზ დოლიძის სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის საფუძველზე, გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

1. ხელშეკრულების საგანი და ობიექტი

1.1 ავეჯის შესყიდვა.

1.2 შესყიდვის ობიექტის დასახელება, ტექნიკური მახასიათებლები, რაოდენობა, ერთეულის და საერთო ღირებულება განისაზღვრება წინამდებარე ხელშეკრულების დანართი N1-ის შესაბამისად.

2. ხელშეკრულების ღირებულება და ანგარიშსწორების პირობები

2.1 ხელშეკრულების საერთო ღირებულება შეადგენს **6 675.00** (ექვსი ათას ექვსასსამოცდათხუთმეტი ლარი და 00 თეთრი) ლარს.

2.2 ხელშეკრულების ღირებულება მოიცავს შესყიდვის ობიექტთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.

2.3 ანგარიშსწორება მოხდება უნაღდო ანგარიშსწორებით, საქართველოს ეროვნულ ვალუტაში.

2.4 ანგარიშსწორება განხორციელდება შესყიდვის ობიექტის ღირებულების მიხედვით, კანონმდებლობით გათვალისწინებული დოკუმენტების სრულყოფილად გაფორმებიდან 10 (ათი) სამუშაო დღეში.

2.5 დაფინანსების წყარო: **2024 წლის საბიუჯეტო სახსრები.**

3. შესყიდვის ობიექტის ხარისხი

მიმწოდებელი იძლევა გარანტიას, რომ მიწოდებული შესყიდვის ობიექტის ხარისხი უკასუხებს ხელშეკრულების პირობებს და დააკმაყოფილებს შემსყიდველის მოთხოვნებს.

4. ხელშეკრულების მოქმედების ვადები

ხელშეკრულება ძალაში შედის გაფორმებიდან და მოქმედებს 2024 წლის 31 დეკემბრის ჩათვლით.

5. შესყიდვის ობიექტის მიწოდების პირობები

5.1 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით.

5.2 შესყიდვის ობიექტის მიწოდება უნდა განხორციელდეს ხელშეკრულების გაფორმებიდან 5 (ხუთი) სამუშაო დღის განმავლობაში, შემსყიდველის მისამართზე: ქ. თბილისი, გურამ ფანჯიკიძის ქ. N1ა.

6. ხელშეკრულების ინსპექტირება

6.1 შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

6.2 შემსყიდველის მხრიდან ინსპექტირებაზე პასუხისმგებელი პირია 7.2 პუნქტით განსაზღვრული პირი.

6.3 ყველა გამოვლენილი ხარვეზის, ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. შესყიდვის ობიექტის მიღება-ჩაბარების წესი

7.1 ხელშეკრულებით გათვალისწინებული შესყიდვის ობიექტის მიღება დასტურდება მხარეებს შორის მიღება-ჩაბარების აქტის გაფორმებით.

7.2 შემსყიდველის მხრიდან მიღება-ჩაბარების აქტის ხელმოწერაზე პასუხისმგებელი პირია სსიპ განათლების მართვის საინფორმაციო სისტემის ფინანსური და მატერიალური რესურსების სამსახურის მთავარი სპეციალისტი გიორგი საყვარელიძე ან სსიპ განათლების მართვის საინფორმაციო სისტემის უფროსის 2023 წლის 10 აგვისტოს N1.1/106 ბრძანების „გ“ პუნქტით განსაზღვრული ერთ-ერთი პირი.

8. მხარეთა ვალდებულებები და პასუხისმგებლობა

8.1 მიმწოდებელი ვალდებულია უზრუნველყოს ხელშეკრულებით განსაზღვრული შესყიდვის ობიექტის მიწოდება უნაკლოდ, თუკი შესყიდვის ობიექტი არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე გამოასწოროს ეს ნაკლი.

8.2 მიმწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.3 შემსყიდველი ვალდებულია გადაიხადოს შესყიდვის ობიექტის ღირებულება ამ ხელშეკრულებით გათვალისწინებული პირობებით.

8.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

8.5 ფორსმაჟორული გარემოებების გარდა ხელშეკრულებით გათვალისწინებული ვალდებულებების შესრულების ვადების გადაცდენის შემთხვევაში მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით.

8.6 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

8.7 ხელშეკრულების ნაწილობრივ შესრულების შემთხვევაში მხარეს ეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

8.8 ხელშეკრულების პირობების შეუსრულების შემთხვევაში მხარეს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

8.9 იმ შემთხვევაში, თუ მხარისათვის დაკისრებული პირგასამტეხლოს საერთო თანხა გადააჭარბებს ხელშეკრულების საერთო ღირებულების 1 (ერთი) პროცენტს, მეორე მხარეს უფლება აქვს ცალმხრივად მოითხოვოს ხელშეკრულების შეწყვეტა და მიყენებული ზიანის ანაზღაურება.

9. ფორს-მაჟორი

9.1 მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

9.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვა).

9.3 ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

10. ხელშეკრულებაში ცვლილებების შეტანის და შეწყვეტის წესი

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ მხარეთა შორის წერილობითი ფორმით შედგენილი შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, თავდაპირველად დადებული ხელშეკრულების ღირებულების ოდენობის გაზრდა დასაშვებია არაუმეტეს 10%-ისა.

10.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების 10.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ **10** (ათი) სამუშაო დღით ადრე წერილობით აცნობოს ამის შესახებ მეორე მხარეს.

10.6 ხელშეკრულება შეიძლება შეწყდეს მხარეთა ურთიერთშეთანხმებით.

11. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.



12. სხვა პირობები

12.1 წინამდებარე ხელშეკრულება შედგენილია ქართულ ენაზე.

12.2 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

12.3 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13. მხარეთა რეკვიზიტები

შემსყიდველი	მიმწოდებელი
სსიპ განათლების მართვის საინფორმაციო სისტემა ს/კ 205300048 მისამართი: ქ. თბილისი, გ. ფანჯიკიძის ქ. N1ა	შპს ბელუქსი ს/კ 205185459 მისამართი: ქ. თბილისი, მარშალ გელოვანის გამზ. N77 საბანკო რეკვიზიტები: სს თბილისი ბანკი კოდი: TBCBGE22 ა/ა: GE84TB7120436020100002
სსიპ განათლების მართვის საინფორმაციო სისტემის უფროსის მოვალეობის შემსრულებელი	შპს ბელუქსი-ს დირექტორი
დავით ტატიშვილი 	თეიმურაზ დოლიძე 

ფასების ცხრილი

N	დასახელება		ტექნიკური მახასიათებლები	რაოდენობა (ცალი)	ერთეულის ღირებულება (ლარი)	საერთო ღირებულება (ლარი)
1	ავეჯის შესყიდვა	ვიზიტორის სკამი	<p>ქრომირებული მეტალის კარკასი, მაღალი ხარისხის ტყავის შემცველი. ფერი შავი. შიგთავსი გამოხარშული ღრუბელი სილიკონით გაჯერებული. დგას მეტალის ვერცხლისფერ სტაციონალურ ფეხზე. დაფიქსირებულ მეტალის სახელურებზე დაყვება შავი ფერის მაღალი ხარისხის ტყავის შემცველი.</p> <p>ზომები: სიმაღლე საყრდენი წერტილიდან - 103 სმ სიგანე სახელურების ჩათვლით - 58 სმ დასაჯდომის სიღრმე - 52 სმ დასაჯდომის სიგანე - 50 სმ საზურგის სიმაღლე - 60 სმ საზურგის სიგანე - 50 სმ</p>	8	650.00	5,200.00
2		საოფისე სავარძელი	<p>ქრომირებული მეტალის კარკასი, შიგთავსი გამოხარშული ღრუბელი სილიკონით გაჯერებული, კაუჩუკის გორგილაჭებზე. მაღალი ხარისხის ტყავის შემცველი, ფერი შავი. მეტალის სახელურებზე დაყვება მაღალი ხარისხის ტყავის შემცველი. აქვს ზურგისა და სიმაღლის მარეგულირებელი მექანიზმი. ზურგი ფიქსირდება სხვადასხვა გადაწეულ პოზიციაში.</p> <p>ზომები: სიმაღლე საყრდენი წერტილიდან - 135 სმ სიგანე სახელურების ჩათვლით - 70 სმ დასაჯდომის სიგანე - 54 სმ დასაჯდომის სიღრმე - 52 სმ ზურგის სიმაღლე - 82 სმ ზურგის მაქსიმალური სიგანე - 55 სმ</p>	1	1,475.00	1,475.00
სულ ჯამი:						6,675.00